



N°288
Entrée le 06.02.2024
Chambre des Députés
Déclarée recevable
Président de la Chambre des Députés
(s.) Claude Wiseler
Luxembourg, le 06.02.2024
Chambre des Députés

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 06/02/2024

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Aarbecht & Famill, Solidaritéit an Integratioun weiderzeleeden.

"La peur de se retrouver sans revenu est répandue et souvent accompagnée d'états d'angoisse et d'anxiété. La perte du REVIS est forcément lourde de conséquences : par exemple, ne plus pouvoir garantir à ses enfants un minimum de sécurité matérielle, mal les nourrir, ne plus pouvoir régler les factures indispensables et le risque de se retrouver à la rue sans logement."

Dëse Passage kann een am Rapport vum Juni 2023 iwwert de REVIS liesen. Am Rapport gëtt duergeluecht, wat fir Konsequenzen d'Kierzen oder d'Sträichen vum REVIS kann hunn. Et kann een de REVIS reduzéiert oder gestrach kréien, wann de Staat aner Revenuen gesäit, déi een huet oder déi ee kéint hunn. Dorënner vum Beispill d'Pension alimentaire vum Ex-Partner, déi awer nach laang net all Elterendeel och wierklech kritt.

Et kann een de REVIS och reduzéiert oder gestrach kréien, wann ee vu Sanktioune betrëff ass. Do kënnt et am Normalfall zu engem Avertissement, dann enger Reduktioun vun 20% an dann engem Stopp vun 3 Méint vum REVIS. Et kann awer och virkommen, dass een direkt op de Stopp vun deenen 3 Méint fällt.

Fir Leit, déi een Dossier bei der ADEM hunn, ass de Sanktiounssystem nach erëm aanescht. D'Leit an esou enger Situatioun mussen heefeg bei den Office social goen, fir dës Zäit z'iwwerbrécken an Hëllef kréien, fir ee Recours ze formuléieren. No 3 Méint kënne si dann eng nei Demande maachen.

An deem Zesammenhang wéilt ech de Ministeren dës Fro stellen:

1. Wéi vill Persounen sinn an de leschte 5 Joer sanktionéiert ginn? Wat fir Sanktioune si jee weils geholl ginn (3 Méint Kierzung, Schléissung vum Dossier ausgedréckt a Prozent)?
2. Wéi vill Persounen kruten de REVIS an de leschte 5 Joer op Grond vun neie Revenuen gekierzt oder gestrach?
3. Wéi vill Prozent vun de Persounen, déi sanktionéiert goufen oder hire REVIS gestrach oder gekierzt kritt hunn, hu Recours géint dës Decisioun ageluecht?



www.piraten.lu

4. Wéi vill Prozent vun de Persounen, déi Recours ageluecht kritt hunn, kruten um Enn Recht zougessprach an de REVIS erëm ausbezuelt?
5. Am Rapport sinn dann och 7 Virschléi presentéiert ginn, wéi een d'Situatioun kéint verbesseren (Säiten 104-105 vum Rapport). Wéi stinn de Familljeminister an den Aarbechtsminister zu dëse Virschléi?

Mat déiwem Respekt,



GOERGEN Marc
Deputéierten





**Antwort vum Minister fir Famill, Solidaritéit, Zesummeliewen an Accueil a vum
Aarbechtsminister op d'parlamentarescher Fro N°288 vum Här Deputéierten Marc Goergen**

Onofhängeg vum Fall wou de Revis gekierzt gëtt oder gestrach gëtt wéinst dem Depassement vum Plaffong bis zu deem ee Revis ka kréien, ass et wichteg als éischt drun ze erënneren datt am ëmgeännerte Revisgesetz vum 28. Juli 2018 zwou Aarte vu Sanktioune virgesi sinn.

Wann d'Beneficiaire net mam Office national d'inclusion sociale (ONIS) zesumme schaffen, kann eng Sanktioun geholl gi bei där den FNS eng Kierzung vun der Prestatioun virhëlt. A méi schlëmme Fäll kann den Dossier vum Beneficiaire och fir de lafenden de Mount an déi 3 folgend Méint clôturéiert ginn. Duerno kann eng nei Demande gemaacht ginn.

Wann d'Beneficiairen net mat der Agence pour le développement de l'emploi (ADEM) zesummen aschaffen, kritt den FNS eng Notifikatioun a clôturéiert de Revisdossier vun der betraffener Persoun op de lafende Mount a fir déi dräi Méint drop. Duerno kann eng nei Demande gemaacht ginn.

1)

An de leschte 5 Joer huet den **FNS** bei folgender Unzuel vu Persounen eng Kierzung vun der Prestatioun wéinst engem Manktem u Collaboratioun mam ONIS gemaacht:

2019	57 Persounen
2020	72 Persounen
2021	65 Persounen
2022	85 Persounen
2023	94 Persounen

An de leschte 5 Joer huet den **FNS** bei folgender Unzuel vu Persounen eng Clôture vun hirem Revisdossier wéinst engem onzefriddestellenden Zesummeschaffen mam ONIS gemaacht:

2019	26 Persounen
2020	35 Persounen
2021	35 Persounen
2022	39 Persounen
2023	49 Persounen




An de leschte 5 Joer huet den **FNS** bei follgender Unzuel vu Persounen eng Clôture vun hirem Revisdossier wéinst engem onzefriddestellenden Zesummeschaffen mat der ADEM gemacht:

2019	311 Persounen
2020	482 Persounen
2021	656 Persounen
2022	635 Persounen
2023	152 Persounen

Fir dës ganz Period stellen Kierzungen 11,65%% vun allen Sanktiounen an d'Schleissung vun den Dossieren 88,35% duer.

Wéinst der Zouverlässegkeet vun den Donnéeën, kann d'ADEM just déi zwee lescht Jore weiderreechen.

D'Zuel vun de Sanktiounen déi d'ADEM ausgeschwat huet géint Bénéficiairen vum REVIS déi bei der ADEM ageschriwwen an ënnert hirer Kompetenz sinn, loung 2022 bei 999 a bei 1302 am Joer 2023. Et sinn 854 Leit déi 2022 op d'mannst eng Sanktioun kritt hunn, an 912 am Joer 2023. Vun all de REVIS-Bénéficiairen déi bei der ADEM ageschriwwen an ënnert hirer Kompetenz sinn, hunn also 89% keng Sanktioun an de Joren 2022 an 2023 kritt.





2)

An de leschte 5 Joer huet den FNS d' Bezuelen vum Revis wéinst Depassement bei follgender Unzuel vun Dossieren agestallt (Zuelen wou eng Kierzung vum Revis wéinst neie Revenuen gemaacht ginn ass, leien net vir well eng Kierzung och aus anere Grënn ka virgeholl ginn):

2019	2051 Dossieren
2020	2331 Dossieren
2021	2736 Dossieren
2022	2838 Dossieren
2023	2379 Dossieren

Bei der **ADEM** sinn op d'Joren 2022 an 2023, 563 Recoursen agerecht ginn; dat si 24% par rapport zu den ausgeschwate Sanktiounen.

3)

D'Zuele vu Recoursen géint eng Decisioun vum ONIS (non collaboration) si follgend fir déi lescht 5 Joer:

2019	3 Recoursen déi 3,61% duerstellen vun all den betraffene Persounen
2020	14 Recoursen déi 13,08 % duerstellen vun all den betraffene Persounen
2021	3 Recoursen déi 3 % duerstellen vun all den betraffene Persounen
2022	9 Recoursen déi 7,25 % duerstellen vun all den betraffene Persounen
2023	7 Recoursen déi 4,89 % duerstellen vun all den betraffene Persounen

D'Zuele vu Recoursen géint eng Sanctioun vun der Adem (non collaboration) si follgend:

2019	Keng Zuelen disponibel
2020	7 Recoursen déi 1,4%% duerstellen vun all den betraffene Persounen
2021	18 Recoursen déi 2,7% duerstellen vun all den betraffene Persounen
2022	14 Recoursen déi 2,2% duerstellen vun all den betraffene Persounen
2023	20 Recoursen déi 13,2% duerstellen vun all den betraffene Persounen

4)

Den **FNS** féiert keng Statistik vun Dossieren déi opgrond vun engem Recours beim Conseil arbitral de la sécurité sociale oder vum Conseil supérieur de la sécurité sociale ëmgeännert gi sinn.

Bei der **ADEM** sinn op d'Joren 2022 an 2023, 23 Sanktioune reforméiert ginn; dat si 4% vun all de Recoursen



5)

Déi concernéiert Ministère si mat der Ëmsetzung vun der Revisetude befaasst an hunn och schonn eng Rei vu Mesuren, déi schnell konnte geholl ginn an déi der Etude Rechnung droen, an d' Weeër geleet. Déi Aarbechten wäerten an den nächste Wochen a Méint weider gefouert ginn. An deem Kontext ginn natierlech all d'Recommandatioune déi gemaacht gi sinn, analyséiert.

Lëtzebuerg, den 28.03.2024

Den Minister fir Famill, Solidaritéit,

Zesummeliewen an Accueil

(s.) Max Hahn